

VOTA ET MOTIVA IN PROCESSV IOANNIS AGVIRRE, MARTINEZ DE ZALDVENDO SVPER INFANTIONIA.

22

IN Dei nomine Amen. Nouerint vniuersi, quod anno a natiuitate Domini nostri Iesu Christi millesimo sexcentesimo vigesimo septimo, die vero quæ cōputabatur septimo mensis Septembris, apud ciuitatem Cæsaraugustæ, & in Camera Regij Consilij ciuilis præsentis Regni Aragonum, interuenerunt & fuerunt præsentēs Magnifici Domini Antonius Augustinus de Mendoça ordinarius Assessor, Martinus Godino, Hieronymus Marta, & Dominicus de Escartin Regij cōsiliarij, absente Magnifico Domino Ioanne Francisco de Salazar etiā Regio Consiliario ob eius infirmitatem. Coram quibus fuit positus processus Ioannis Aguirre Martinez de Zalduendo, & Ioannis Laurentij Aguirre Martinez de Zalduendo minoris super infantionia, in quo omnes dicti quinq; Magnifici Dñi de dicto Regio Consilio concordēs fuerunt voti & opinionis, quod Dominus Regens officium generalis Gubernationis, atten. conten. &c. tenetur & debet pronuntiare, & declarare, Ioannem Aguirre Martinez de Zalduendo Exponentem, & Joānem Laurentium Aguirre Martinez de Zalduendo minorem, principalem dicti Ioannis de Zalduendo eius Patris & curatoris, & quemlibet eorū, fore & esse Infantiones, & debere gaudere omnibus & singulis priuilegijs, libertatibus, & immunitatibus cæteris Infantionibus præsentis Regni Aragonum cōcessis & indultis, neutram partem in expensis condemnando. Ex eo & aliās declaratur Ioannem Aguirre Martinez de Zalduendo, & Ioannem Laurentium Aguirre Martinez de Zalduendo eius filium fore & esse infantiones, & debere gaudere omnibus & singulis priuilegijs Infantionibus præsentis Regni concessis, & indultis, quia constat a tempore immemoriali in Prouincia de Alaba Regnorum Castellæ, sitas esse villas de Saluatierra & de Zalduendo, in quibus inter alias Infantionum familias, adest familia vulgo numcupata

pata de los Aguirres seu Aguirres de Martinez , quæ etiam ab immemoriali tempore fuit familiar Infantionum, ex ea quæ descendentes ram in dictis Villis, quam etiam in alijs Vniuersitatibus , vbi contraxerunt domicilium, fuerunt Infantiones notorij gaudentes que priuilegis, & exēptionibus Militibus & Infantionibus pertinentibus. Constat etiam in dicta Villa de Zalduendo, ex dicta familia hortum habuisse Petrum Aguirre Martinez, qui aliàs fuit vocatus Sotilla, qui se contulit in dicta Villam de Saluaterra, in ea que suum contraxit domicilium, & tanquam descendens a prædicta familia fuit Infantio, & vt talis cōmuniter reputatus, qui procreauit in filium suum legitimum Ferdinandum, qui etiam fuit Infantio, & postquam plura seruitia impendit Serenissimo Imperatori Carolo quinto, fuit prouisus in officium Merini maioris terræ de Durango, quod officium non postet obtineri nisi per Infantiones notorios, qui procreauit ex suo legitimo matrimonio loānem Zalduendo Patrem dicti Ioannis probantis, qui suum contraxit domicilium in præsentī ciuitate Cæsaraugustæ, & procreauit in filium suum naturalem dictum Ioannem probantem, a quo ex legitimo matrimonio fuit procreatus dictus Ioannes Laurentius minor. Constat etiam dictum Ioannem probantem, & eius Patrem in præsentī ciuitate gauisos fuisse priuilegijs infantionū, & in anno millesimo quingentesimo octuogesimo octauo obtinuerunt iurisfirmam infantionæ a Curia Iustitiæ Aragonum, in qua probarunt suum originem ducere a prædicta familia de los Aguirres, & Martinez villæ de Zalduendo, ex quibus legitime constat dictos probantes probasse, legitime possessionem immemoriam suæ ingenuitatis, ideoque Infantiones modo supra dicto declarandos, & aliàs atten. conten. &c.

Sig † num mei Iosephi Iubero Scriba mandati sue Maiestatis ac Cæsaraugustæ domiciliati, auctoritateque Regia per totam terram & dominationem Domini nostri Regis publici notary, qui huiusmodi vota & opiniones a registro sue libro Regy Consily ciuilis de anno supradicto, vbi continuata existunt extraxi, & cum eo bene & fideliter comprobaui, in quorum fidem præmissorum hoc meo solito signo signaui, constat de enmendatis, vbi legitur x, o, e, & supraposito vbi legitur ex.